

آنادولۇلۇمىچىسى

صاىي : ۷

مىرەش تارىخى	مىرەش
جون دووهى	ضياءالدين فخرى
آنادولۇ اقليسى	ابراهيمى
تورك اوجاغى	مىرەش
جاناوار	فارسى
داغ باشىدا بىر كىچىك	اسماعىل نامى
آنادولۇلۇمىچىسى	مىرەش
رايىتدا رانات تاغورە	مىرەش
قېرىنچى	مىرەش
نجاتىك شەرى	مىرەش

آيك ايزلى : ارضوم فلاكتى - بىكى قافقاسىيانى تىرىك - ولايات شىرقىيە مەكتۇبلىرى

صوك دىققەتدە آنادولۇلۇمىچىسىنىڭ اوز چوچوغى استاد
صياكوك آلب بىكك ازىمالى خىر آلان مجموعه مىرەش بوبوك
ضياىي نائىرلە قىند وقارلىرىنى غرضى تىرىت ايلار .

بىكى مەتبەئە

۱۳۴۰

آنادولونك مجموعه

آيده برنسر اولونور

صافي : ۷

تشرين اول ۱۳۴۰

سنه : ۱

مُصَنَّفَاتُ

مقدمه تاريخي

محرري : بسيم آتالاي بك

آنادولونك عمومي مدنيت تاريخي هنوز تدوين ايديله مشدر ؛ بو ئولكه نك غريب طالبي ، قارا كلغيله ، سينه سنده ياشايان ملتك ابداع ايتديكي مدنيتي اورتمش ، صاقلامش ، كيمسه يه كوسترمه مشدر . دينيله بيليركه ، شيمدي يه قدر مستقل بر آنادولو مدنيتندن بحث ايدهن دكل ، حقي خبردار اولان بيله هان يوقدر . آنادولو ، ايجنده كي ثروت واحتمشام ايله قابالي قالمش بر خزينه در .

حادثه لر ، آنادولونك عمومي مدنيت تاريخي ايكي بويوك قسمه آيرم مشدر :

۱ . — آنادولونك اُسكي تاريخي .

۲ . — آنادولونك يكي تاريخي .

آنادولونك اُسكي تاريخي ، ابتدائي دورلردن ، بوياريم آدانك توركلر طرفندن استيلاسنه قادار دوام ايدر ، آنادولونك يكي تاريخي ايسه ، تورك استيلاسندن باشلار ، زمانمزه قادار كلير .

آنادولو مدنيتي تاريخنك بويايي دورى ، يكديكرندن تماميله باشقه ، وصفلريله بربرينك تماميله يابانچيسيدرلر . آنادولو ، تورك استيلاسندن اول ، برسيل ياتاغي ، برنهر محراسي ، ياخود بريول ، بر كچيد ماهيتنده ايدى . بو مجرادن ، بوكچيددن نجه ملتار سرعته آقوب كيتدى . بودورده آنادولو ، نهايت بر جوغرافى مفهومندن عبارتدر .

آنادولو ، تورك استیلا سندن صوكرا وطن اولدی . جوغرافی مفهوم حالندن چیقار ق تاریخه کیردی . آنادولو مدنیق تاریخنك أسکی ویکی دورلرینی آیران وصف ، فارقه بودر . جوغرافیا ، تاریخنك معاون علملرندن اولمقله برابر بالذات تاریخنك دكلدر . بواعبار ایله ، اصله ، آنادولو مدنیق تاریخی ، آنادولونك توركلر طرفندن استیلا سیله باشلار . اولكه ایچون آنادولو تاریخی ، آنادولو مدنیق تاریخی دینیلهجه ، تورك حاکمیتی آلتنده کی آنادولونك تاریخی آکلا شیلیمق لازمدر .

آنادولو مدنیق تاریخنك هنوز تدوین ایدیله دیکنی سویله مشدك ، علاوه ایده لم كه ، بوتاریخنك تدوینی ایچون وجودی شرط اولان عنصرلرده اورته ده کورونمه مكددهر . یالکز ، بوعنصرلرك طویلانوب ترتیب ایدیلكده اولدیغنه دائر اماره لر ، مزده لر وار ، مرعش تاریخی ده بونلردن بریدر .

آنادولو مدنیتنك تاریخی بنا ایتك چوق کوچ اولدیغی جهتله بویه برایشه کیریشمزدن اول ، بوتاریخنك مختلف صفحه لرینی تدقیق ایتك ویایله حق عمومی ترکیبی اك صوكرایه براقق معقول ضرور بریدر . بوضورت دولایسیله آنادولو تاریخی تشکیل ایده جك عنصرلری برر برر میدانه کتیرمك مثبت مساعی ساحه سنده برنجی آدیمر . بسیم آتالای بك ده دیگر براقچ مؤلفه برلكده بومثبت آدیمی آتمشدر .

مرعش تاریخی ، کوچوك بر مقدمه ایله دوقوز بابی احتوا ایدیور . برنجی بابده مرعش كلمه سنك اشتقاقندن ، ایکنجیده مرعشك اسلامیتدن اولکی حالتندن ، اوچنچیده مرعشده عرب حاکمیتندن ، دردنجیده مرعشده تورك حاکمیتندن ، بشنچیده عثمانیلر دورنده کی مرعشدن ، آلتنجیده مرعشیلرك اخلاق ، عادت و شیوه لرندن ، یدنجیده مرعش تورکولرندن ، سکزنجیده مرعش مشاهیرندن ، دوقوزنجیده مرعش جوغرافیا سندن بحث ایدیلكده در . بو دوقوز بابك مندرجانه نظراً کتاب ایی بر ترتیه مظهر اولماش دینیه بیلیرسه ده ، بویولده کی اثرلرك تألیفنده کی مشکلات خاطیرلانیسه مؤلفك معذور صایلمه سی ممکندر .

ایکنجی بابده بولدیغمز ایضاحاته کوره ، مرعش آنادولونك اك أسکی شهرلرنددر ؛ شهر ایکی دفعه یرینی ده کیشدیرمش ، شیمدیکی موقعنه ذوالقدر اوغوللرندن علاءالدوله طرفندن قالدیریلشدر . ایلك مرعش ، شیمدیکی مرعشك جنوب شرقی سنده و درت ساعت مسافه سنده ارکنه زچاینك کنارنده ایمش . بو معلوماته رغماً بسیم آتالای بك مرعشك کیملر طرفندن ، نه زمان تاسیس ایدیلدیکنی سویله میور . بویله جه مؤسسوی و تاسیس زمانی مجهول قالان شهرك ، یالکز بك ضعیف بر احتمال ایله هیتیلرجه قورولمش

اوله سی ظن اولنه بیلیر. فی الحقیقه، مرعشک تاریخچه معلوم اولان ایلك حاکمی هیتلردر. بلده، اوندن صوگرا صیراسیله آئوریلرک، ماکدونیا لیلرک، رومالیلرک، عربلرک، نهایت تورکلرک [تورکمن] آلنه کچمشدر. بومتوع حاکمیتلر آلتنده شهرک تاریخی، اوزون برسلسله تشکیل ایدر.

مرعشی اسلامله قازانديران خلیفه عمر، تورکلره قازانديران ده بویوک آلپ آرسلاندر. مرعشک اسکی تاریخی اولدجه قارا کلقسه ده، خلیفه عمرک فتحندن صوگرا آیدینلانمغه باشلار، تورکلر زماننده ایسه برکون کیدر. بونی بیلن بسم آتالای بک کتانبده، مرعشک تورک فتحندن صوگرا کی زمانتی، دها اینجه برصورتده تدقیق ایتمش وجدأ موفق اولمشدر.

مرعش تاریخنک تاریخی قسمی، تفصیلاتدن عاری و نقصاندر. مؤلف، کتانبی بازارکن، علمی بر نه تود حاضر لامقدن زیاده، عمومی بر طاسلاق یامغی دوشونمش و اوصورتله حرکت ایتمشدر. اثر، علمی بر تدقیق ماهیتنده یازلمش اولسه یدی، شهسیر چوق دها قیمتدار اوله جقدی. شو قادار که مملکت تاریخنک کلیا یابانجیسی اولان خلکک بونوع تألیفله شیدتله احتیاجی واردر. بسم آتالای بک علمه خدمت ایتمکه، خلق ایچون چالیشمنی ترجیح ایتمکه بویوک بر تواضع و فراغت کوسترمشدر.


تاریخچه علاقه سی اولماقته برابر، بسم آتالای بک مرعشک عادتلرندن، اخلاقندن، شیوه سندن بحث ایدرک اثرینک فائده سی تعمیمه چالیشمشدر. وطنک هرجهتیه یاقیندن الفت ایتمک، هیچ اولمازسه آنادولوی جزء جزء، صحیفه لرده طایمق بورجز و وظیفه من اولدیغنه کوره، محررک بو بورجک و بو وظیفه نك ایفاسنی تسهیل ایلهمک ایسته مه سی، همیزه دکرلی بر یاردیمدر.

مرعش تاریخنک، مرعش تورکولرینه تخصیص ایدیلن قسمنه کلنجه، بوقسم، مرعشک، آنادولونک نه جانلی، نه خالص پارچه سی اولدیغنه دالاتی اعتباریه چوق شایان دقتدر. غربی آنادولوده، شرقی آنادولوده، ایچ آنادولوده دیلن دیله دولاشان نه قادار تورکو وارسه اونلری مرعش، کندیسنه مال ایتمش، اوزرلرینه کندی دامغاسنی ده قویمشدر. دردایدن، کوهرییه، کور اوغنه قادار مرعشک طانیادینی آنادولو شاعری یوقدر. مرعشده، آنادولونک بوتون قصبه لری، کویلری کبی بو شاعرلری قلبنک ترجمانی تلقی ایتمش، اونلری او یله سومش، بنسمه مشدر. کوهرینک بر قوشمه سی بورایه عکس ایده بیلیمک ایچون مرعشک نه حساس اعصابه مالک اولمه سی لازمدر، کور اوغلی ایله

در دلی بی از برله مک ایچون مرعشک ، آنادولونک دیکر قسملرینه نه مربوط حسی وار ،
کصور ایدیکز .

مرعش تاریخی ، مرعشک جوغرافیاسیله بیتور ، بسیم آتالای بک کتابی اتمام نیتیه
اوکا برده جوغرافی فصل علاوه سنی مناسب بولش ، بونکله اثر ، مرعشی کل حالنده ایچنده
طوپلامشدر . خریطه لر ، پلانلر ، رسملرله برقاندها قوت قازانان مرعش تاریخی ، عرفانمزک
هر حالده قازانچیدر . ۳۰ ایلول ۳۴۰

محمد خالید



دووه دوروی

فلسفه و تربیه سی

۲

هر فلسفه منظومه سنک روحیات ، تربیه ، اخلاق ... کبی فلسفی علملر ساحه سنه خاص
خصوصی رؤیتلری واردر . پراغماتیزم کبی حیات ایله شدیداً علاقه دار اولان و مبدئی
(عمل و فعالیت - Action et activité) ه باغلی بولونان بر فلسفه هیچ شبهه سز بو
خصوصده مضاعف بر اهمیت عرض ایده جکدر . بالخاصه تربیه یه عائد افکار و نظریاته ،
دیگر فلسفه سیستملرندن آری ، صمیمی بر علاقه ایله مربوطیتی لازم کلیر .
پراغماتیزم فلسفه یی تدقیق ایده رکن دیمشدک که اوکا کوره هر فلسفی نظریه خارجی
عمامزی تسهیل ایدن ، اوکا خادم بر رول اوینایان آلتدر . بویله بر فلسفه نلک حیات
و حادثاته عائد نقاط نظری نه اولابیلیر ؟

« چوجق روحیاتی » مؤلفی قلاپاردت بوسؤاله ویریله جک جوابلری تلخیص
ایتمشدر [۱] دووه دیک فلسفه سنندن مقتبس اولان بو جوابلرک بوراده قیصه جه ذکرینی
فائده دن خالی بولمایورز . عینی زمانده طبیعی بر جریان ایله موضوعه کیرمش اوله جغز .
مجرد ، صنی ، حیات ایله علاقه سز اولان فلسفه منظومه لرینه عصیان ایدن پراغماتیزم ،

[۱] (L' école et l'enfant (introd. P: 15) بو اثر معارف و کالتی نشریاتی آراسنده
ترجه ایدیلرک نشر ایدیلشدر . فقط صاحبنک وقوف و صلاحیتنه رغماً هر نه دنسه ترجه اصلک
ماهیتی غائب ایتمش ، معترضه لر ایچنده صیقیشمش برچوق کله لرله ایضا حار معلق ، آکلاشیلماز
بر شکل آلمشدر .